

Normas Técnicas

NORMAS TÉCNICAS DA PRODUCCIÓN AGRARIA ECOLÓXICA PARA A RECOLLEITA DE PRODUTOS SILVESTRES.



COPIA CONTROLADA: Non Si: nº ____ Assignada a: _____ Data: _____

NORMAS TÉCNICAS DA PRODUCCIÓN AGRARIA ECOLÓXICA PARA A RECOLLEITA DE PRODUTOS SILVESTRES.

MODIFICACIÓNS RESPETO DA EDICIÓN ANTERIOR:

- Se elimina recollida de algas

Elaborado pola Dirección Técnica:

Revisado e aprobado polo Presidente:

NORMAS TÉCNICAS

NORMAS TÉCNICAS DA PRODUCCIÓN AGRARIA ECOLÓXICA PARA A RECOLLEITA DE PRODUCTOS SILVESTRES.



ÍNDICE:

- 1.- OBXECTO
- 2.- ALCANCE
- 3.- REFERENCIAS
- 4.- REALIZACIÓN
 - 4.01.- Normas Técnicas para a recolleita de plantas e froitos silvestres.
 - 4.01.01 Recolleita, tratamentos poscolleita e almacenado.
 - 4.01.02 Prevención de contaminacións e de tratamentos con produtos non autorizados.
 - 4.01.03 Materiais de envasado.
 - 4.01.04 Transporte.
 - 4.02.- Normas Técnicas para a recolleita de cogomelos silvestres.
 - 4.02.01 Protección das zonas de recolleita e hábitats.
 - 4.02.02 Sistemas de traballo e recolleita.
 - 4.02.03 Delimitación das zonas de recolleita.

1.- OBXECTO.

O Consello das Comunidades Europeas aprobou, o 28 de Xuño de 2007, o Regulamento N° 834/2007 sobre produción e etiquetaxe dos produtos ecolóxicos polo que se deroga o Regulamento (CEE) n° 2092/91. O regulamento (CEE) n° 2092/91 queda derogado a partir do 1 de Xaneiro de 2009, e será aplicábel a partir do 1 de Xaneiro de 2009 o Regulamento (CE) N° 834/2007.

As disposicións do Regulamento 834/2007 son as normas básicas para a agricultura ecolóxica consensuadas a nivel comunitario. No Considerando (40) do Regulamento 834/2007 di textualmente: “En espera da adopción de normas comunitarias detalladas de produción para determinadas especies animais e plantas acuáticas e microalgas, convén que os Estados membros podan dispoñer a aplicación de normas nacionais ou, a falta destas, normas privadas aceptadas ou recoñecidas polos Estados membros.”

A normativa europea complétase co Regulamento 889/2008 polo que se establecen disposicións de aplicación do Regulamento (CE) 834/2008 do Consello, sobre produción e etiquetaxe dos produtos ecolóxicos, con respecto á produción ecolóxica, á súa etiquetaxe e ao seu control. Sen embargo, non se regulan todas as técnicas nin todos os produtos susceptibles de seren obtidos ou utilizados seguindo o sistema de produción agroalimentario ecolóxico.

Por iso, mentres non se establezan as disposicións de aplicación relativas á produción, elaboración, comercialización, etiquetaxe ou control a nivel comunitario serán de aplicación a presente Norma Técnica e as normas que se consensuaren a nivel estatal.

Os obxectivos destas Normas Técnicas da produción agraria ecolóxica son:

- Concretar certos aspectos normativos contemplados polo Regulamento (CE) 834/2007 e o Regulamento (CE) 889/2008 mais que non quedan claros dabondo e dan pé a interpretacións diferentes.
- Estabelecer a normativa técnica aplicábel polos operadores a certas producións e en relación a certos aspectos técnicos non contemplados polo Regulamento (CE) 834/2007.
- Axustar a normativa que define o sistema de produción agroalimentaria ecolóxica ás características e especificidades propias da Comunidade Autónoma de Galicia.

2.- ALCANCE.

O C.R.A.E.G.A. recolle na súa acta do pleno do 28 de Marzo d 2008 a aprobación da inclusión na Organización Intereco.

A actual versión da Norma Técnica será de obrigado cumprimento previa aprobación pola Consellaría competente en materia de agricultura e aprobación polo Pleno do C.R.A.E.G.A. para toda persoa física ou xurídica (dende agora, operador) que interveña na produción, elaboración, importación de países terceiros, almacenado e/ou comercialización dos produtos que deseguido se indican, sempre que estes produtos leven ou foren levar indicacións referentes ao método ecolóxico de produción, e até o momento en que estes produtos estiveren dispostos para a súa venda final ao consumidor nun envase ou recipiente que non permita a súa manipulación:

- a) Produtos agrícolas vexetais non transformados.
- b) Animais e produtos animais non transformados.
- c) Produtos vexetais de recolección silvestre.
- d) Produtos vexetais e animais transformados destinados a alimentación humana.
- e) Alimentos para animais, pensos compostos e materias primas para a alimentación animal.
- f) Material de reprodución vexetativa e sementes para cultivo.

3.- REFERENCIAS.

- Procedemento Operativo de Calidade 04 “Procedemento de certificación e control”.
- Norma UNE – EN ISO/IEC 17065: “Requisitos para os organismos que certifican produtos, procesos e servizos.
- Caderno Común de Normas Técnicas da Producción Agraria Ecolóxica (Ministerio de Medio Ambiente Rural e Mariño, Intereco).

4.- REALIZACIÓN.

4.01 NORMAS TÉCNICAS PARA A RECOLLEITA DE PLANTAS E FROITOS SILVESTRES.

4.01.01 Recolleita, tratamentos poscolleita e almacenado.

4.01.01.01 Para a recolleita, tratamentos poscolleita e almacenado de plantas e froitos de recolleita silvestre aplicaranse, cando corresponder, as normas técnicas xerais para a produción vexetal indicadas no apartado 4.01.02.10 para a colleita, tratamentos poscolleita e almacenado de produtos vexetais producidos nas explotacións agrarias ecolóxicas.

4.01.01.02 Para o control da recolleita de plantas silvestres delimitaranse áreas de superficie non superior a 100 metros cadrados. Nos aproveitamentos destas áreas, seguiranse os seguintes criterios:

- Non poderán desenraizarse as plantas. O aproveitamento realizarase sempre mediante sega e nunca por arranque ou extracción das matas.
- Non poderán colleitarse máis da cuarta parte das plantas nas zonas delimitadas.
- Non poderá eliminarse máis da cuarta parte da parte aérea de cada planta.
- A recolección realizarase fóra do período reprodutivo das plantas.

4.01.01.03 As recoleccións de froitos silvestres realizaranse de tal xeito que se asegure o máximo respecto ao medio ambiente, favorecendo a rexeneración das zonas de recolleita.

4.01.02 Prevención de contaminacións e dos tratamentos con produtos non autorizados.

4.01.02.01 As zonas de recolleita teñen que estar suficientemente afastadas de núcleos de poboación, industrias, estradas, vías de tren, etc. e zonas agrícolas e forestais tratadas con produtos non autorizados en agricultura ecolóxica como para poderen ser consideradas zonas libres de contaminación.

Como orientación, utilizaranse as seguintes distancias:

- A máis de 100 m. de autoestradas e estradas con elevada densidade de tráfico.
- A máis de 20 m. do resto de estradas.
- A máis de 5 m. de pistas forestais.
- A máis de 50 m. de zonas agrícolas tratadas con produtos non autorizados.
- A máis de 50 m. de zonas forestais tratadas con produtos non autorizados.

NORMAS TÉCNICAS

NORMAS TÉCNICAS DA PRODUCCIÓN AGRARIA ECOLÓXICA PARA A RECOLLEITA DE PRODUCTOS SILVESTRES.



4.01.02.02 Os operadores responsábeis das unidades de recolleita teñen que notificar á Autoridade de Control calquera contaminación das zonas de recolleita orixinada pola aplicación de produtos non autorizados en agricultura ecolóxica (por exemplo, causada por tratamentos aéreos contra pragas forestais) ou por outras causas. Os produtos de recolleita nestas zonas non se poderán comercializar usando as indicacións reservadas para o método de produción ecolóxico.

4.01.03 Materiais de envasado.

4.01.03.01 Para o envasado de produtos de recolleita silvestre aplicaranse, cando corresponder, as normas técnicas xerais para a produción vexetal indicadas no apartado 4.01.02.11 para materiais de envasado de produtos vexetais producidos en explotacións agrarias ecolóxicas.

4.01.04 Transporte.

4.01.04.01 Para o transporte de produtos de recolleita silvestres aplicaranse, cando corresponder, as normas técnicas xerais para a produción vexetal indicadas no apartado 4.01.02.12 para o transporte de produtos vexetais producidos en explotacións agrarias ecolóxicas.

4.02. NORMAS TÉCNICAS PARA A RECOLLEITA DE COGOMELOS SILVESTRES.

4.02.01 Protección das poboacións e hábitats.

4.02.01.01. Na recolleita de cogomelos silvestres e coa finalidade de non pór en perigo as distintas especies micolóxicas nin alterar os hábitats en que se asentan nin as funcións ecolóxicas en que interveñen, quedan expresamente prohibidas as seguintes prácticas:

- Remover o solo de tal xeito que a capa superficial do mesmo se vexa alterada, ben sexa manualmente, ben utilizando calquera tipo de ferramenta.
- Usar calquera ferramenta apta para o levantamento do humus, tales como fouces, fouciños, anciños, angazos, sachos ou calquera outra que altere a parte vexetativa do fungo.
- Recolleitar aquelas especies que o Consello Regulador de Agricultura Ecolóxica ou a autoridade administrativa competente da Comunidade Autónoma limite.

4.02.01.02 Débense respetar os exemplares pasados, rotos ou alterados, polo seu valor para a expansión da especie, así como aqueles que non sexan motivo da recolección, é dicir, non se poderá alterar, extraer ou destruír ningún exemplar que non sexa obxecto de recollida. Para a determinación dos tamaños axeitados de cada especie empregaranse as normas de calidade para as setas comestíbeis (orde de 12 de Marzo de 1984), especialmente as recollidas nos puntos 4, 5 e 6.

NORMAS TÉCNICAS

NORMAS TÉCNICAS DA PRODUCCIÓN AGRARIA ECOLÓXICA PARA A RECOLLEITA DE PRODUCTOS SILVESTRES.



4.02.01.03 No caso das especies de cogomelos que se atoparen en agrupacións, non se extraerán aqueles exemplares máis novos nin os máis vellos, de tal xeito que quede unha mostra representativa da agrupación.

4.02.02 Sistemas de traballo e recolleita.

4.02.02.01 Os sistemas e recipientes escollidos polas persoas recolleitoras para o traslado e almacenamento dos cogomelos dentro dos montes de onde procedan, deberán permitir a súa aireación e especialmente a caída ao exterior das esporas a fin de favoreceren a dispersión dos fungos.

4.02.02.02 Prohíbese a recollida durante a noite.

4.02.02.03 É especialmente importante que os cogomelos sexan recollidos completos sen alterar o substrato sobre o que se asentan. Sempre que for posíbel, evitarase cortar o pé do cogomelo, xa que é unha vía de penetración de axentes patóxenos no fungo.

4.02.02.04 Cada operador deberá cumprimentar o volante de circulación ao remate da recolleita. Os intermediarios ou empresas transformadoras esixirán o volante de circulación ao operador e o Consello Regulador de Agricultura Ecolóxica poderá esixir, á súa vez, os volantes correspondentes ás empresas transformadoras. No caso de non teren o volante cumprimentado ou que este tiver algún tipo de erro ou produza confusión, rexeitarase a partida correspondente.

4.02.02.05. En todo momento serán observadas as normas e lexislación vixente que lle puiden afectar a esta actividade.

4.02.03.- Delimitación das zonas de recollida.

4.02.03.01. Os operadores delimitarán as zonas de recollida dos cogomelos nun plano de escala suficiente que permita identificar a totalidade da zona. Ademais, acreditarán a autorización para o aproveitamento das zonas referidas.

4.02.03.02 Non se admitirá a recolleita de cogomelos nunha banda de trescentos metros a ámbolos dous lados de calquera vía de comunicación, estrada ou autoestrada, con altos niveis de tráfico (estradas nacionais, autovías e autoestradas e estradas de alto tráfico próximas a cidades). Para estradas e vías de comunicación locais con intensidade de tráfico baixo, esta banda reducirase até os cincuenta metros. No caso de existiren barreiras naturais, tales como bosques, sebes, etc., as distancias poderíanse reducir máis.

4.02.03.03 Non se admitirá a recolleita de cogomelos nunha banda inferior a un quilómetro ao redor do perímetro de cidades e grandes vilas, así como de polígonos industriais e/ou centros industriais e instalacións fabrís.

4.02.03.04 Non se recollerán cogomelos no radio dun quilómetro medido dende o límite de plantas incineradoras e vertedoiros de lixo.